



0931

	年
81	月
3	日

佛教大学藏書

第 331026 号

2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9



無量壽經鈔卷第三 盡第二十願

慧述

望西樓沙門了

慧述

三比丘白佛下法藏說願中亦二初請聽察次設我下正說本願初文中聽察者切韻云察是非之貌所願者義寂云發願以希求爲義於未所得中要心希求故大智慳興同之又云願體是何擇法爲性十度中後五度說是根本後得者故有義以欲勝解及信爲性願以此三爲自性故上又十住論云願名心所貪樂求

欲已。次說願中設我等者將釋此願即有二門先。總次別先總釋者淨影云四十八願義要唯三文別有七義要三者一攝法身願二攝淨土願三攝衆生願四十八中十二十三及第十七是攝法身第三十一第三十二是攝淨土餘四十三是攝衆生文別七者初十願爲攝衆生次有兩願是其第二爲攝法身次有三願是其第三重攝衆生次有一願是其第四重攝法身次有十三是其第五重

攝衆生次有兩願是其第六爲攝淨土下有十六是其第七重攝衆生標興同之義寂引用淨影釋矣然依宗家可有二意總而言之四十八願俱通攝身攝土攝生故玄義云發四十八願一一願言若我得佛乃不取正覺今既成佛即是酬因之身也為攝身禮讚云四十八願莊嚴起超諸佛刹最爲精淨土散善義云四十八願攝受衆生為攝衆生別兩言之應如淨影故觀念門抄出十八十九二十三十五等

別爲攝凡攝身攝土準之應知又義寂引淨影已云此亦多從願相而說若委細論一一具三如初願中設我得佛是攝佛身國言攝土無地獄等是攝衆生上此從多分而云具三攝他土願無攝土故問以第一願爲攝生顛其義不明看下諸願攝生願中或云人人或云聲聞或云衆生或云女人或云菩薩皆舉正報攝土願中直舉土相不舉正報今願亦余直云國有華明知攝土也答三惡趣者

是有情數如光記云五趣唯是有情數攝不通外器以此外器亦容五趣共受用故還成雜亂是故今願不可通器但至難者餘願之中舉正報者所以爲擇於正報上有別益也今願不然直除惡趣受苦之體趣即正報故翻顯攝生也問唯識論云或諸趣言通能所趣諸趣資具亦得趣名上此許諸趣通外器也加之嘉祥云此願分爲三明之有三願願淨土有四十二願願得眷屬有三願願得

法身比既云三願知加初願又證憲云二者
佛土願無三惡趣等是也比如此文義如何
會通答唯識文者非實體通相從名趣故述
記云何故能趣亦名爲趣趣是所趣業惑中
有相從名趣乃謂器世間是趣所須趣之資
具相從所趣故亦名趣比餘師釋等恐不應
理問淨土私記云四十八願分爲三初十六
願莊嚴淨土次十六願勸進自他後十六願
名号利益初就莊嚴爲四初二願清土比此

師之意設以三惡約有情數猶可攝土以無
三惡莊嚴土故此義順理答以所捨法翻顯
所益定可攝生取捨相對必可然故餘願相
對類例可如問攝生願中幾凡幾聖幾攝自
國幾攝他國荅依願文及智光等釋初十
願及第十五六八九二十二十一七三十三
四五七八九此二十四箇願攝凡夫餘十九
願是攝聖人第二十八通凡聖也看經現文
他土凡夫

皆名衆生或名女人自土凡夫悉名人天自作士聖皆名菩薩或名聲聞然異譯

等願文不同今攝凡中第二三四五八十九
五二十一三十四七九此十一願餘經多云
菩薩等也等取吉聞年生今攝聖中第十四二十二三五六
九三十六四十四十二五此十一願餘經
來云衆生等也等取吉聞年生至別釋中其文可知如此異說今經爲
正餘經不同不須和會又此等願通凡聖否
求理校文更可思擇云又第十八九二十二
十二三十三四五六七四十一二三四五七
八此十六箇願攝他土餘二十七願攝自土

也然他土中第三十六七四十二五此四箇
願餘經中云自國益也至別釋中其文可知譯者見別
非適今也問此中攝凡通十信耶荅且舉薄
地不論十信以本願文十信已上名菩薩故
攝菩薩願摠名攝聖名尅體者如攝論云十
信已還是凡夫十解已下是聖人已問法身
無相非色非心何壽光等名攝法身荅瓔珞
經云法身有二一果極法身二方便法身已
今則第二又密敎中四種法身亦其例也問

四十八願有來意耶答一一願文雖無生起
大意有次謂本願意正被凡夫傍通聖人依
正意故先說攝凡傍故後聖故元曉云四十
八願初先爲一切凡夫後兼爲三乘聖人故
知淨土宗意本爲凡夫兼爲聖人迦戈亦同問論
註之中以彼二十九句莊嚴皆云本願何願
攝耶答註意匠知但義寂云由攝淨土願得
國土莊嚴十七功德由攝法身願得佛身莊
嚴八種功德由攝衆生願得菩薩莊嚴四種

功德應知四十八願爲因得二十九功德莊
嚴或多願合得一功德或以一願得多功德
因果感起少多不定是故願德其數不等隨
所相應應當配屬上一一配當可俟別釋總
釋已竟次別釋者有四十八起盡可見

第一無三恩趣願釋之有三初釋願意次出
諸師解後正解願文下去亦然初願意者四
十八願選擇之義如選擇集云然此願意六
道難苦三途最重法藏慈悲先緣重苦選擇

此願攝衆生也雖就重者不捨人天舉重攝輕是故彼土五道俱無如義寂云理實淨土五趣俱無經說橫截五惡趣惡趣自然閑論云勝過三界道故上問若余何有人天鳥類答今約實業云無五趣彼非實業如禮讚云鳥群非實鳥天類豈真天_上况彼化鳥非有情乎又義寂云天人兩趣因餘方而有名地獄等三名體惡而俱絕依一向無故唯說三比又澄憲云分段人天彼土亦無故云勝過

三界道而有相似人天非如惡道故有此願問有鳩鷹鴞鷺又非相似惡趣乎答身帶七寶之色聲出五根之轉故全異惡道上此義一往設帶實色亦出法音形全鳥類何非相似若言勝故非相似者彼土人天亦超此土可非相似相似之義天畜全同不可簡異次諸師解者感師云求絕三塗淨影云初有兩願願生無苦後之九願願生得樂願無苦中初一願其自國無苦義寂云今國無惡趣願

法位玄一同名無三惡趣願慧心靜照同之懶興
云無苦苦願智光云國土嚴淨無諸惡趣願
御廟全同光又云就人天衆願上此中法位等之
當願立名似勝是故黑谷亦名無三惡趣願
也三解文者分而爲二初明發願次不取下
明立擣也下去準之如懶興云汎言願者即
慚求義設我得等又言擣者即邀義不取正
覺是也淨影云諸願不滿終不成佛假設所
願不滿得成擣終不取懶興同之初願中設我得

佛者設猶若也故寶積云若我得佛大師同之我
流布語佛他受用內證我道雖不相離發化
他願時還指化他身而云得佛等令增機信
故禮讚云彼佛今現在世成佛當知本擣重
願不虛先師一義有傳又有云問下丈云我建超世
願必至無上道上擣心決定何云若耶答下
丈亦云斯願若尅果大千應感動上準此之
丈能求願心雖是深重諸願成否未得證瑞
故云若也又解今在因位指佛果故表不輒

相顯卑下言而已地獄等如要集記云次文可知第二不更惡趣願初願意者所見土中
有壞劫國諸有三塗定受業者自國中無三
惡趣故業力引置他方惡道或土不然法藏
愍念更惡有情選擇此願攝衆生也委如選
擇及決疑鉢云此願亦是舉重攝輕理實不
更人天二趣故稱讚云必不復墮諸險惡趣
邊地下賤夢處車中上邊地等者是人間故
天趣準之間一切淨土不更惡道今發此願

向要耶答一切菩薩淨佛土時縱無別願亦
有不更惡趣之德今發別願利益廣大衆生
憑願欣趣多故次諸師解者淨影云命終不
向他國受苦義寂云命終復不更惡趣願
靜照真源證盡同之法位玄一同名無惡趣願慄興云
無壞苦願智光云有情命終展轉增上願
御大同今依寂等黑谷亦名不更惡趣故三解文
昔人天者大弥陀經云諸菩薩異譯不同下
去准之壽終等者問小經云及其人民無量

無邊阿僧祇劫上何云壽終何況亦違第十五願答義寂云設命終生他方不復更生三惡趣也上意云爲立此願舉假令言今謂初願之時猶有更義至此願時除更惡義此願時猶雖有死義長壽願時除壽終義願願互助願體各顯統束諸願究了其義義寂云由此二願得清淨功德也上

第三悉皆金色願初願意者所見土中或土人天黃白黑等顯色不同由不同故互生勝

少常懷憂惱或土衆生純一色也法藏菩薩愍念顯色不同有情選擇此願攝衆生也問四八相願亦有身色金體之相豈非繁重荅澄憲云四十八願多有淺深摠別之異一一願文未必全別上有云摠別爲異云今謂不然摠黑谷意約純雜門而發此願故非重疊彼相中取顯色勝邊而爲一相此願中取純一色邊而爲願體故覺經云不一色類金色者我不作佛上設雖白色若諸人天純一色

者亦此願意然取金者順佛色故相隨一故
壯所貴故衆色本故觀佛經云黃又有一義
如探要記云次諸師解者感師云真金色身
淨影於已下願不釋別名義寂云身皆金色
願慧心法位玄一第三四願同名色齋等願
智光云所化成就紫磨金色願御廟云真金
色願靜照真源三解文者人天者大弥陀經
云諸菩薩上悉真等者示其顯色悉者指多
人非指遍身真者對似彩色爲似問言金色

者紫黃中何答大弥陀云身皆紫磨金色般
舟讚云新往化生紫金色與諸大衆無殊異
黑谷云黃金一色上案此等說恐黃金而帶
紫色歟例如闍浮檀金黃色而帶紫焰見長
各顯一邊並不相違問若尔何故疏釋觀音
身面紫黃而云面色與身色異答云或約增
邊故云不同

第四無有好醜願初願意者所見土中或土
衆生形無好醜或土人天好醜不同由不同

故或生憍慢或懷耻辱常增苦思鐘離春之
買夫之歎上陽人之閨宮之悲即其類也法
藏哀愍好醜不同選擇此願攝衆生也間有
具相願故形無異何重發之答澄憲云無好
醜者是又顯勝報之初門也後得神通得三
十二相等者是則甚深勝德也先舉淺後述
深已今謂不然依黑谷意約等不等門而發
此願也謂雖俱具三十二相非無好醜如佛
輪王具相明昧不論具相取均華邊爲今願

體不謂明昧取具相邊爲彼願體是爲其別
次諸師解者感師云形無羨醜義寂云今形
無好醜願智光云有情容顏均等無差別願
御廟澄憲全同慧心云無好醜別靜照云無有好醜源
羅漢已形色等者彰非顯色寶積云形貌亦
同今文義寂云此二願得大義門功德中無
女人及根缺也已

第五宿命智通願初願意者自下六願是六

通故先舉六通次釋本願俱舍頌云通六謂
神境天眼耳他心宿住漏盡通此之三句列
境智證通光云神謂等持境謂行化作智證時無擁名通依定及境能證為名到餘通
雖亦依定此通相顯偏標神名已上二天眼智證通三天耳智證通光云天眼天耳是所依
根智是二識相應慧智緣二境無擁名通從根及能證為名已上四從性智證通光云從加行及能證智為名已上五宿住隨念智證通光云從境及相應并能證智為名已上六漏盡智證通光云若涅槃名漏盡從所證及能證智為名若漏盡身名漏盡從所依及能證智為名已上又龍興出諸論異說欲知從見解脫道慧攝此之一句出六通體謂解脫道之所攝故正理論中兼勝進道

四俗他心五漏盡通如力

此之二句明智所攝謂神境通天眼天耳宿住之四唯世智攝緣事境故他心通是五智所攝所攝謂法智類智道智世智從性智也漏盡通是如十力中漏盡智力若緣漏盡而為漏盡者六智所攝謂世法類滅盡無生若依漏盡身而起者十智所攝謂前六智并苦集道從性智也

五依四靜慮此之一句是明依地謂前五通依四根本不依無色近分中間若漏盡通依六地也自下地為境境也此句緣鑒俱舍論二十七云如是五通境唯自下日如神境隨依何地於自下地行化自在於上不然勢力劣故餘四亦余已聲聞麟喻佛二三千無數上已頃文此頃約橫謂大聲聞不極作意於一千界起行化等自在作用若極作意緣二千界來不極緣三千界若極作意緣三千界如緣

現在天眼天耳他心神境凡夫小千聲聞中
千支佛大千緣過宿住凡夫二乘同緣八万
問何故余耶答泰法師云現在鐵圍山障隔
故凡夫二乘知境別過未無山障隔凡夫二
乘同八万又云如三界業力非想極八万二
乘有限力亦極知八万諸佛無是故知
無數已問此五通何不緣無色答光云神境天
眼天耳各別綠色爲境界故修他心通必先
觀色爲門入故修宿住通漸次憶念前前色
相出胎五位胎內五位及中有位差別不同
方得成故成時能緣昔在某處及種姓等乃至
依無色地無如是能已問此六通中何通凡

耶荅光云於六通中第六唯聖前五通凡從
多據揔言共異生已六通如斯次釋願者所
見土中或土衆生具通自在或土衆生不具
神通故不自在法藏愍念不自在類發此六
願於中哀愍諸有衆生不識宿生但著現境
造作衆罪選擇此願攝衆生也如澄憲云分
段織國流轉含識不知宿命故於善不進於
惡不恐万善懈怠衆惡造作只爲不知宿業
也彼羅漢憶泥梨苦流血汗福增見先身骨

忽開悟不知先生母以爲妻不知先世怨養
爲子不知先身父以爲美食等皆迷宿命事
著今世樂忽聞本緣皆生厭心者也利生方
便只宿命智知其恩濟度衆生專知宿世行
業誘引之聖教多其例不能具之已問全願
六通何不次第答一一願文隨宜安立無別
生起况律名句以他心通置於第二六度集
經神境第三如妙樂云然此六法修無前後
證無次第亦任時故衆經列次不同已然靜

照云已具外相亦須內照若識宿命則不自
高憶念過去無諸功德但依佛擣得生此國
上比盜憲云往生彼土者先知宿命深仰佛德
如照公釋故先列之歟如彼天衆生天先憶
宿業以報往因上次諸師解者義寂云令遠
識宿命願法位玄一懼興靜照證明大同淨影意同智光云宿命
證明照了往事願御廟全同真源云宿住能憶願
已此等諸師名異義同三解文者人天者大
彌陀云諸菩薩羅漢上下至等者選擇集云

從多至少以下對上之義也。私云以無數
劫之多，對那由他之少。云從多至少等也。
十四願云下至三千大千世界聲聞緣覺。已
準之。即以那由他等爲下爲少。佛壽願意亦
以可。爾謂有量之無量爲上。他劫爲下而顯
壽命無所至也。問若爾何故不云下至一劫
等耶？答既云那由他其一劫等理在絕言。此
未決定學者思擇。有云以少爲上。以多爲下。
從少之多置下之言。準下願云下至不照百

千億那由他成就丈云或照二三四五由旬。
如是轉倍乃至照於一佛剎土云此義非也。
還選擇故百千等者問凡夫宿命不過八万。
何緣無數答佛力故也下去准之。

第六天眼智通。願初願意者所見土中或土
衆生以不見於諸苦果故不恐苦因亦以不
見諸樂果故不修樂因法藏愍念此等衆生
選擇此願攝衆生也。靜照云愍諸衆生不見
塵色迷於遠近不見細色而失因果只悲北

芳煙早滅不見中陰魂獨逝澄寘云凡夫肉
眼不見一紙外嗚呼悲哉不見地獄餓鬼之
苦果不見父母師長之受報厭離心緩報謝
思息龍樹說地獄苦云若見圖繪聞佗言如
是知時以難忍心火注面見彼苦報誰深心不恐
乎又經云男女非聖無神通不見輪迴難可
報云孝子面見父母苦果者寧甘嘯安席上
求下化之要厭苦報德之道其唯在天眼照
視者歟已次諸師解者義寂云令天眼徹視

願諸師
意同三解文者諸佛國者通淨穢土下去
準之

第七天耳智通願初願意者所見土中或土
衆生縱生佛世胡越隔堵不聞梵智除聲以
不聞故不能受持不聞持故苦輪恒轉况滅
後乎法藏愍念此等衆生選擇此願攝衆生
也遼憲云以天眼雖見形色以天耳不聞言
音者其恨尤深故此通至要地獄衆苦之聲
餓鬼飢渴之聲聞之鎮增大悲之心乾闔緊

那之樂神仙誦經之音聞之常樂寂靜之洞
況諸佛說法聞悉受持菩薩對談聽併渴仰
哉。比次諸師解者義寂云。今天耳洞聽願師
諸意。三解文者下至聞者問。不得天耳何聞百
千諸佛說耶。如今文者不得天耳亦不受持
然而聞佛之所說故答此難實。余不悉不字
可在聞上然在下者。迴文未盡故寶積云。不
獲天耳乃至不聞。億那由他百千踰繙那外
佛經法覺經云。不悉徹聽。比又解聞上亦可。

下卷第十六門

有不字無者脫也。故安樂集引此願云。十方
人天來生我國。不得天耳通下至不聞百千
億那由他諸佛所說。不悉受持者。不取正覺。
大論中已後義爲正受持者。信力故受念力故持。

第八他心智通願初願意者所見土中或士
衆生閻他心故恐怖聚身侍養背情以惡爲
善以善爲惡法藏愍念此等衆生選擇此願
攝衆生也。澄憲云。世俗万事猶以知他心爲
最要。况出世利物化他不知衆生心。何爲轉

法輪寶女摩衣知情侍者阿難無違佛心奉

父養母以從氣色爲先朝三暮四以叶民心

在法化云竹四

爲要况掩鼻殺寵姪捕蜂戮愛子不知喫是
贖不測親反踈皆是不知人情之過也何況

利生方便之道哉上次諸師解者義寂云明
鑒他心願

諸師意同

三解文者人天者大弥陀云

諸菩薩阿羅漢衆生心念者問言衆生者爲
通凡聖荅且俱舍中明佗心智所取之相略
有八種一欲色界繫

簡無色界故不

二佗相續中

知法分類分知類分有漏知漏無漏故也五心心所法

簡於色等

光云知彼心時不觀彼心所緣不觀彼心家能緣行相故謂佗心智粗知彼心有染等謂

不知彼心家所能緣行相足六一但知一非二等七實

簡於假法

八自相

簡於共相

不知共故名自相別觀一法不觀多法故名自相

新生人天亦知佛心荅彼土新生未登聖位
所得他心可是有漏若是凡心何知佛心不
上緣故若是有漏何緣無漏非同類故若約

如來曾得等心。猕猴猶知。况新生耶。若約如來。未曾得心。見分心者聖人。猶闇。況凡夫耶。但依佛力。不可定量。

第九神境智通願初願意者所見土中或土衆生海路勞般陸路疲步。何況隨意到諸佛國法藏愍之選擇。此願攝衆生也。盪憲云。身如意通其德非一。然而餘事皆置之往生極樂奉仕弥陀值遇衆聖本願既滿。巨益亦足。剩以身通一念之頃。往來他方佛國實是不

慮大幸也。諸佛國土昔唯聞名。一佛一刹不見不至。今生淨土忽得神通。一念遊十方佛國。須臾遇無數大聖。弥陀願力不可思議。猶不可思議已。次諸師解者義寂云。令神足迅速。願諸師意同。三解文者。一念頃者。問依俱舍論。神境有三。一運身通。論云謂乘空二勝解通。論云謂乘空猶如飛鳥三意勢通。論云謂懸遠方。心緣時身即能至光引婆沙云。有說異生成一謂運身二乘成二除意勢聲聞。運身所顯獨覺勝解所顯。

佛具成三意勢所顯。上然今凡夫所得神通
何同意勢。答佛願他力之所成故。問新生舊
住之五神通有勝劣耶。答觀經云。七日之中。
乃得見佛。雖見佛身於衆相好心不明。於
三七日後乃了了。上準之可有明昧不同。云
問上來五通爲是生得。將修得耶。答順前句。
答是故要集釋。五通云不於百大劫中而種
相好業。不於四靜慮中而修神通。因只是彼
土任運生得之果報。不亦樂乎。上問既生得。

者華合之時亦可具之。何無見佛闡法等耶。
答難具其德。華合之障未除盡。故不施作用。
例如胎內難具諸根未施作用。

第十速得漏盡願。初願意者所見土中或土
衆生具諸漏故作輪迴業受生死苦出離無
期。法藏愍之選擇此願攝衆生也。今漏盡者
約四住盡如妙樂釋別教六通云且語斷見
思盡名爲無漏通。上私云若約小機在第四
果故觀經說中輩凡夫漏盡通云應時即得

阿羅漢道三明六通具八解脫。若約大機
可在初地依真諦意初地入心盡四住故觀
經上輩得益是也本願意云衆生生者速得
漏盡未分大小大小在機漏盡速疾乘於本
願例如第十九願不分大小而來迎也云次
諸師解者淨影意云漏盡通願標興大同義寂云
令不起漏染願此是漏染不起非是漏盡通
此必從修而得不通生所得故前五通者皆
通生得及修所得此中所說多是生得說生
通生得及修所得此中所說多是生得說生

彼國皆能得故靜照大同證法位云無貪著
願玄全同智光云離諸妄想薩迦耶等願謂我
士中無起妄想念念貪瞋等計我我所上御廟
引興寂兩師而不評取慧心云不貪計身真
源云離諸妄想願遠離我我所無有諸妄想
又云不起想念貪愛身已今之所用淨影義
以願有次故順悲華故順宗家故謂一一願
雖無生起適五通後有此之願豈非漏盡故
事讚云到彼華開入大會無明煩惱自然亡

三明自然乘佛願須臾合掌得神通已依佛
願力故云自然亦不逕勸故云須臾雖有延
為語所言佛願恐指此願若不余者爲何願耶
故悲華云人天無別皆得六通乃至解無我及
無我所悲分隨利同之問若余何故觀經中說經三
小劫住歡喜地經一小劫成羅漢耶荅私云
彼三劫等比此婆婆猶是速疾非一大阿僧
祇劫故非六十及一百劫故問對利根者一
往可余若對鈍根三四生者猶是長遠荅機

根不同其說非一如中上品當華敷時即得
無學可是鈍根依今願力速疾證果凡隨機
品雖有延促揔比此土莫不速疾豈非願力
難思益耶云問今看文勢全同五通知生得
顛若生得者非漏盡通故義寂釋專應文理
依之澄憲云憚師判此願屬漏盡通專不可
也漏盡通者無學所得也豈生極樂者皆忽
無學聖哉九品階級大以相違歟生彼土已
經劫數後始有證須陀洹如造逆之人纔雖

往生十二大劫蓮華不開敷以前凡夫不可
疑寂師釋應理但是彼土人緣妙境雖令適
悅不爲貪著是彼土不共德又則清淨願力
所成也例如北洲人雖異生不起我執彼國
人亦如是未斷結編而無貪著此願來意尤
有其意上願身相皆金色無好醜別次說五
神通之德如此等勝德須起計著致高慢然
依菩薩願力永無此事若忽證漏盡通者還
似無秀句歟此等文義如何會通答雖是

修得以速得邊爲此願德何無秀句但此願
文似生得者顯速疾故三解文者人天者大
彌陀云諸菩薩阿羅漢上想念等者舉見修
惑寶積經云起於少分我我所想者不取菩
提悲利同之悲華經云解無我及無我所上是
舉身見而攝餘見覺經云有愛欲者我不作
佛大彌陀云無有婬媢之心終無念婦女意
終無有瞋怒愚癡上此舉修惑以此等說校
今願文應是人執謂想念者即見惑也貪計

身者是修惑也貪言所表可修惑故或想修
惑計身見惑身言所表可我我所之身見故
故智光云無起妄想念貪瞋等計我我所上
第十一住正定聚願初願意者所見土中或
土衆生雖修佛道多退入邪定或土衆生皆
悉不退終成正覺法藏悲憐退墮衆生選擇
此願攝衆生也問不退成佛由盡諸漏若余
與上漏盡通願有何別耶答懶興云得漏盡
樂有二此初漏盡體也私云第十願指此後漏盡位

也比此釋未了得體入位入位得體不可別
立今謂此願處不退故兩願永異故要決引
此經生彼住正定文判處不退又小經云衆
生生者皆是阿鞞跋致慧心略記釋此文云
此處不退上群疑論六云初往生時即名不
退者此約處不退說比若言定聚即位不退
者彼土可有不定聚耶若云有者何故經說
無不定聚以此義故處不退也問大乘論等
多以十信爲不定聚然大師云法侶將衣競

來著證得不退入三賢記三賢已前何非不定答豈不前言不約地位然經說無不定等者設雖薄地亦非是或進或退者故亦非不信業果者故問處不退者與第二願無差別何答第二願者只局不退未約成佛當願意者不退而亦必至菩提以之爲異例如安住堪達不同光記卷五云安住法者離勝退緣雖不自防亦能不退離勝加行亦不增進多住自位故名安住堪達法者彼性堪能好修練根速

達不動上今復如是彼第二願不墮不進之不退故如彼安住此願增進之不退故如彼堪達是故寶積覺大等中但言成佛不云定聚即其意也又有一義如探要記廣德異云問若尔何全不名必至滅度願耶答必至之言通退不退如云煥必至涅槃者非是不退正定之言必在不退成佛即是不退之功一切名目不可具名故今從本偏名而已問若處不退者何莊嚴經云一切得住正信位上知十信

位答異譯不同用否在時或正定聚之別名
歟謂定即是信之德故次諸師解者感師云
住正定聚義寂云今住正定聚願清淨覺經
云人民住正盡般泥洹其意同也法位玄一
真源同之
憍興云得漏盡樂又云漏盡位也十信已去
皆名正定聚故言住者通正當之言也記上
信者入位十信非言住前正
者十信當者三賢乃至佛果智光云住正定
聚必至菩提願御廟同之靜照云住正定聚願已
伏貪見須至滅度已又澄憲云一起苦輪適

生淨國如來願力也縱雖往生若再退還生
死者如謬入仙家爲半日客三尊迎接一夢
喜悅歟小阿彌陀經云皆是阿鞞跋致北經
云皆悉到彼國自致不退轉上同第四願釋
云正定聚者聖位論之已此中約位非今所
用三解文者不住定聚等者不言流至于至
滅度住正定聚終我佛教故智光云謂我土
中住正定聚而不退轉必至菩提已言定聚
者要決云不退正定名異義同已滅度者是

大非小故寶積云若不決定成等正覺證大涅槃者不取菩提大弥陀經云令得佛道已問此經說有諸聲聞衆故可通小如義寂云悲華經云皆得不退於阿耨菩提此文偏說大乘定聚不可引彼論此亦余被經不說有聲聞衆此經說聲聞衆故發心時別土有純雜不可一上答天親既云無譏嫌過宗家亦判轉向大乘何故亦有二乘滅度若如寂者寶積等文云何會通只會悲華今經相違不

辯異譯同文而已問若余何故大弥陀經云諸阿羅漢般泥洹去者無央數耶答彼經又云諸天人民蜎飛蠕動之類皆令得佛泥洹之道已準之如來大涅槃也義寂云上來九願亦是大義門功德已

第十二光明無量願初願意者所見土中或有佛土教主光明有能限量或有國土教主光明無量無邊法藏菩薩爲橫攝取十方世界念佛衆生選擇此願攝佛身也問何必選

取無邊光明答豈不前言橫攝十方虛空無
邊故國土亦無邊國土無邊故衆生亦無邊
衆生無邊故大悲亦無邊大悲無邊故光明
亦無邊光明無邊故攝取益無邊以要言之
欲益無邊故光無邊問所言佛光爲現起光
將常光耶答此是常光故悲華云常光照於
無量無邊百千億那由他諸佛世界又靈
芝釋小經彼佛光明無量文云佛光有二一
者常光二者現起光今此乃是弥陀常光

委如決疑鈔云問般舟讚云不爲餘緣光明普
照唯覓念佛往生人已既云唯覓可現起光
答雖是常光光益但在念佛行者故云唯覓
問莊嚴經云我得菩提成正覺已所有衆生
令生我刹一切皆得無邊光明而能照曜百
千俱胝十方諸佛刹土已此約所化相違如
何答異譯不同非適今也次諸師解者義寂
云得勝光明願法位云自身光無限玄同之自
餘諸師其義大同澄憲云光明無量者阿彌

陀一義也。乃觀經云光明遍照十方世界。念佛衆生攝取不捨。不捨之力正由光明。故此佛光於行人爲最要。已上三解文者光明者問爲是頂光。爲舉身光。若頂光者何觀經云八萬四千相好光明。若舉身者大彌陀經云。令我頂中光明絕好。勝於日月之明。百千億万倍。已上答舉身光也。但異譯文不必正說。違觀經教。諸佛國者。問觀經云。照念佛衆生。即是正報。今何依報。答舉國令知。光照無際。意在。

照正故不相違。義寂云。此願能得光明功德。比此釋未了波光明功德。依報光明故。今謂身業功德攝也。

第十三壽命無量願。初願意者所見土中或土教主壽命短促化事不永。所化空過。如下迦葉佛出世時入定羅漢過二佛世而悲憇。又如東方月面佛壽一日一夜。或土教主壽命延長利生無盡法藏爲欲。豎盡未來利衆生故。選擇此願攝佛身也。例如法華說山海慧如來壽云。壽命無有量以愍衆生故。

也是則一得永不失壽更非有量之無量矣
問大弥陀經云八方上下無央數佛國諸天
人民_乃_至悉作辟支佛阿羅漢_乃_至共欲計數知
我年幾千万劫歲數皆令無有能極知_{覺經}_{同之}
以之翻顯_九大聖應知故悲華云無能知者除
一切智悲分陀利云除薩波若智_已_上何非有
量之無量耶答弥陀即有入滅不滅之二德
故今願文者約不入邊彼異譯等依入滅邊
故不相違次諸師解者義寂云得壽久住願

法位云自身壽無限_全_同自餘諸師其意大
同澄憲云無量壽德者即名号一義也_至佛
壽無量化道至德也誰不渴仰此願哉如釋
迦牟尼佛雖發五百之本願唯限八十之壽
命慇慕悲歎言而叵盡南無無量壽佛南無
無量壽佛_已_上三解文者下至等者如前已釋
又直至淨土門_{唐書}_{無為居士}云下不至_已意那由佗
爲所至也今謂不尔無不字故寶積經云壽
量有限乃至俱胝那由他百千及筭數劫者

不取菩提已此文同今何存異義義寂云此願得主功德法王善住持者長時化故比第十四聲聞無數願初願意者所見土中或有佛土唯化菩薩無二乘及異生弟子報士或有佛土雖亦記小大化不遍多取滅度如猶今或有佛土但說三乘不會二乘猶須如多寶或有佛土齊有三乘皆悉成佛報士法藏菩薩既發光壽無量之願此是報身何有二乘雖亦爲引他方小聖令速成佛選擇此願攝

小聖也故論註云聲聞以實際爲證計不應更能生佛道根芽而以本願不思議神力謂令生彼必當復以神力生其無上道心已言本願者指今願也如大師云若論小聖去亦無妨又云正由詫佛願以作強緣致使五乘齊入此中二乘詫今願也又莊嚴經云我得菩提成正覺已所有衆生令生我刹雖住聲聞緣覺之位往百千但脰那由陀寶刹之內遍作佛事悉皆令得阿耨菩提已但此經

文以攝凡願同中輩生學者思擇問若余何
故悲華經云無有聲聞辟支佛乘所有大衆
絕諸菩薩無量無邊悲分隨同之答義寂意云悲
華說報此經明化云今謂不余經有光臺無
量願故非化身也準宗家者此經從始悲華
妙緣故不相違問宗意不明以終轉向大名
報土者婆婆亦余可報土耶答此雖非也婆
婆亦有灰身入滅之二乘故問諸佛報土真
善極妙是故不留二乘屍骸何言鹿眾而選

難

捨之西方既有二乘凡夫還是鹿眾何稱善
妙答法門廢立所望不同今對二乘不成佛
國以成佛土名爲善妙例如台宗云闡提有
心猶可作佛二乘滅智心不可生法華能治
復稱爲妙上法華涅槃雖同醍醐涅槃不明
二乘成佛故不名妙今亦可然雖同報土簡
二乘故名鹿眾土有何失耶如彼華嚴雖是
報土闍二乘故判爲鹿等台宗之意亦其例也次
諸師解者義寂云攝多眷屬願攝與法位云大同法位云

願衆無限玄同之音光云眷屬聖者無數衆多

願御廟全同慧心云聲聞無數真源離照大同如是諸

師衆多爲奇如澄憲云阿彌陀佛弟子無量

三無量中其一也如小經所說馨聞無量故

聲

非一一者中三品皆小果人也二者水鳥樹

林多說苦空聞者證小是以彌陀初發心時
發願我亦三乘度衆生見智論三是穢土聲聞
厭心猛利壽命短促故多證小果即歸涅槃
彼國衆生壽命無量又無厭心故多證果者

多留住者四者穢土中不定性雖迴心若定
性於有餘土入佛慧故皆唱滅度極樂聲聞
於小不住必還入大故不取滅度先證後來
有增無減故聲聞無量略今謂非畜數多爲
奇亦有玄旨如向已辯三解文者聲聞者此
舉聲聞攝於緣覺故莊嚴經雙舉緣覺問全
此聲聞彼法華論四種聲聞中爲何耶答玄
一云此是應化聲聞爲莊嚴徒衆故如彼無
思趣而有好鳥爲莊嚴令法音無絕故比此

決定上慢退大應化

未盡理他方來中設有應化此願及以中輩聲聞非應化故今謂義準退大聲聞準台宗云初從此佛菩薩結緣遷於此佛菩薩成就已彼諸聲聞既信弥陀往生成佛計知此輩第九王子結緣之者若無往日一乘種者爭有西方成佛脫乎情以我等亦信弥陀當知昔值第九王子下一乘種脫期在近歡喜幾乎又準台宗迴心已去佛道聲聞如沫華云我等今者真是聲聞以佛道聲令一切聞上

下至等者無數爲上三千爲下大千世界聲聞等者意云滿中聲聞等也故寶積云大千世界滿中有情及諸緣覺於百千歲盡其智筭亦不能知大弥陀經云八方上下各千億佛土中諸天人民蜎飛蠕動之類皆令作辟支佛阿羅漢乃至共欲計數乃至無有能知覺經同之第十五眷屬長壽願初願意者所見土中或有國土有情短命世間生憂出世退緣五退是第一故第或有佛土衆生長壽無死魔眾增進佛

道

是第
勝緣中
故

法藏菩薩欲令人天除惡增道

選擇此願攝衆生也縱生淨土若短命者彼士快樂有何要耶諸樂根本只在此願如澄憲云人民壽命無量淨土第一德也乃非只貪生惡死修行佛道者死魔爲怨生死閻羅退緣根本也見佛闡法值遇衆聖供養諸佛親近善友自然快樂無有衆苦其德非一若壽命短促者遺恨幾許如玉坏無底故此願最至要者也比次諸師解者感師云壽命長

遠義寂云眷屬長壽願真源全同
廟靜照大同御願壽無限上自餘諸師其意亦同三解文者人天者大跡陀云菩薩阿羅漢已脩短等者義寂云謂爲化他捨此生彼此師彼士也彼士雖離分段生滅依已本願爲利生故自在生滅如群疑論云命極長遠乃至縱令凡夫還入變易究竟成佛無死苦捨從命願生穢土救苦衆生雖死非苦也以竹樂願捨報修慈悲故已此釋悳由今願文歟若余長命由佛願

力修慈捨報任已宿願矣

第十六無諸不善願初願意者所見士中或
有國士二乘根缺惡人女人華之名體於中
充滿或有國士無如是華不善名體法藏菩
薩憐愍惡故選擇此願攝衆生也問現有二
乘何云無體亦有羅漢白鵲等稱豈非有名
答不善名者指譏嫌名非鵲等名無二乘義
如玄義分不定始也又如論註云次諸師解者感
師云無諸不善義寂云眷屬善願法位云願

衆無惡名玄同之慷慨興云離譏嫌願智光云離
諸非愛不善音聲願御廟大同靜照云不聞惡名
願真源云遠離不善願澄憲云淨土無不善
惡道等名者其義如何惡法皆是法門也忘
之不說歟若余法門名義皆可闕之有人通
云體上名也不遽但名云未見人師解釋更
可思擇已有人違論存但名故譏嫌名者是但名故憲
公忘註不準知故以三譏嫌故又法位等似忘
願文乃至之言但約名故三解文考乃至等

者從體至名說爲乃至往生論云淨土果報離二種譏嫌過應知一者體二者名體有三種一者二乘人二者女人三者諸根不具人無此三過故名離體譏嫌名亦有三種非但無三體乃至不聞二乘女人諸根不具三種名故名離名譏嫌已寶積莊嚴直云無有不善之名不云乃至覺經但云莫有惡心而舉名並單說也悲華分陀利云無女人及不善名名體俱舉然而猶闕餘之不善又龍樹

云彼尊佛刹無惡名亦無女人惡道怖乃至無有諸趣惡知識已此中惡道及以諸趣第一願攝餘此願攝惡知識者覺經惡心惡心可通能所故亦闕二乘及根缺矣如是惡體皆攝今經乃至之言寂爲巧說義寂云此三願得眷屬功德上今謂十四十五可介此願不然可是大義門功德攝經論分明學者應解第十七諸佛稱揚願初願意者所見土中或有教主不爲諸佛所悉讚嘆或有教主廣爲

諸佛被咨嗟故名聞十方法藏便欲名稱普
聞利衆生故選擇此願攝佛身也六八願中
此願至要設弥陀佛有超世顛若無此願何
聞十方我等今值往生教者偏此願恩善思
念之次諸師解者義寂云諸佛同讚名字願
慧心云爲諸佛讚云自餘諸師名目雖異其
意亦同三解文者十方等者問澄憲云諸佛
同稱讚之群生舉放求之乃至但釋尊一代對
娑婆勸極樂者人師多釋云宿緣厚故由物

機故云未知弥陀機緣十方同等歟未測十
方衆生同有西方緣歟十方一同有宿緣者
此義頗難信又娑婆獨有緣之義專爲虛設
若十方衆生必不有緣者諸佛咨嗟之願無
用歟此義可思擇上此疑何通答娑婆即是
彌陀如來發心國故宿緣殊厚物機偏多故
處處云娑婆有緣化十方者亦有緣故謂本
願中多云十方爲遂此願發願已後遍至十
方與物結緣故諸佛讚有情生也然而非如

娑婆多厚云諸佛等者問爲淨爲穢答多分
穢土少分淨土例如小經證誠諸佛咨嗟者
憬興云咨者讚也嗟者嘆也已稱我名等者
稱謂稱嘆問寶積經云咨嗟稱嘆我國已相
違如何答御廟會云依世俗門依正雖異依
勝義門依正不二故此彼又無相違也已今
謂不専文各舉一意實互通故覺經云嘆我
功德國土之善已義寂云此願得妙聲功德

上

第十八念佛往生願初願意者如選擇集及
以鈔記宗要等釋云即是選擇生因之行攝
衆生也次諸師解者義寂云攝取至心欲生
願觀經下品下生中云乃至十惡五逆乃至臨命
終時乃至具足十念稱南無佛稱佛名故乃即
得往生極樂世界準此等文經十念頃專稱
佛名爲十念也此言念者謂稱南無阿彌陀
佛經此六字頃名一念又云一一念中自然
具足慈等十念已此師意者今願十念與下

下品十念同故攝下下品但除逆者具謗法
故法位云此是上三品此中十念者是依十
法起十念非是稱名十念玄一之懷興云攝上
品願有說下品非也澄憲引用此師興又云有說此
經十念依十法而念非佛名故即弥勒所問
十念是也此亦不然彼經十念既非凡夫非
上品三生所能修故今即還同觀經十念上
輩亦修十念無違故欲說一二等言乃至故
又釋願成就文云而前十念此言一念者最

少極多互綺舉故不相違智光云諸緣信樂
十念往生願御廟云聞名信樂十念定生願
乃若準下品下生文者經十念頃專稱佛名
爲十念也真源云十念往生願靜照云念佛
往生願至觀經說五逆往生雙觀經引一類
往生以勸其心此說決定擇願不取不定者
比此諸師中法位玄一云非稱名此義有違
願成就失自餘諸師除照雖云稱名只限十
念是則有捨一形之過或限上品或限下品

此亦相違三輩等文宗家不余今之十念但是口稱上盡一形下至一念通于三輩攝於九品莫不皆往云三解文者十方等者但限穢土不通淨土攝凡願故不除十惡破戒人故所言衆生廣通善惡男女衆機問若通女者三十五願招繁重過苔有云女人障重故從摠開別也云今謂不尔此願攝行而非攝機彼別攝機而非攝行女人障重別發一願攝女機也至心等者行者安心觀經三心如

觀經釋黑各云此經三心即同本願三心介故至心者至誠心也信樂者深心也欲生我國者迴向發願心也上記其三心相如疏及記云今至心者存略爲言故無誠字三輩文中具云至誠與觀經同今信樂者約信相貌彼深心者約信分齊今欲生者當彼發願然不言迴向者下舉行時迴向自備故成就文云至心迴向言迴向者迴所修善向極樂故故觀經云迴向發願願生彼國又云以此功德迴

向願求生極樂國已上除此以外更無別體問
信樂義何答信謂忍許樂謂愛樂如光記云
信亦有二種一忍許相或名信可名異義同又
二欲樂相或名信樂或名信愛名異義同又
百法論疏云云何爲信實德能深忍樂欲心
淨爲性能治不信樂善爲業上準此等文可
以愛樂爲深心主如聖道人於淨土教雖有
忍許無愛樂故不欣往生無信果故信不滿
足不名信樂於忍許上起愛樂者具足信因

及信果故信心滿足是名信樂亦云深心唯
識論云忍謂勝解此即信因樂欲謂欲即是
信果同上同述記云樂欲並是欲數樂希境故即
是同時信所果乃至或忍樂欲異時因果已上問
此至心等何心爲體答有云言信樂者當信
心所言欲生者即欲心所至誠無體於欲信
等起行相故云今謂二心之體可然至誠不
余如傳通記云問可云三心即本願耶答三
心雖要別非本願故禮讚中引此願文略三

心文知非願體今案經釋具願之行為往生
因離願之行無往生能例如彼云離隨眠業
無感有能俱舍論文然今取生因行為願體時爲
簡不具三心唯行舉此三心若從行論容屬
本願離而論之更非本願若本願者即有一
願兩體失故乃至十念者行者起行口業稱
名禮讚云本發深重擔願乃至上盡一形下至
十聲一聲等以佛願力易得往生上從多向
少故云乃至亦云下至約其滿數故云十念

亦云十聲如婆娑云若過若減皆存大數比
故十念言含一念等願成就云乃至一念即
此意也問何以得知念是稱名既說云念明
知意念答蓮華谷云次上願云稱我名等次
之云念故知稱念云今謂不余成就文云聞
其名号乃至一念已願文何違况寶積云聞
我名已覺經云聞我名字莊嚴經云念吾名
号亦其證也念者唱義如選擇等云唯除等
者唯等八字釋迦所置在正覺下故若法藏

語者可，在正覺上，如彼十五、二十二願除言在上，問若余何故寶積經說十五願云，有性壽量有限量者，不取菩提，唯除願力而受生者。已答異譯不正須依此經。

第十九來迎引接願初願意者所見土中或有佛土由佛迎接即便往生或有佛土雖無佛迎亦自往生無佛迎者多為邪業而所障。有佛迎者諸邪業繫無能礙者法藏愍念臨終障礙選擇此願攝順次機也問既以諸

行為佛迎因明知諸行生因本願何云攝機答委細科簡如宗要等云舉要言之為攝念佛及諸行機而臨終時令心不亂現其人前故云攝機如悲華云諸佛世界所有衆生若發阿耨菩提心修諸善根欲生我界者臨終之時當與大眾圍遙現其人前其人見我即於我所得心歡喜以見我故離諸障礙即便捨身來生我界悲分陀利同之稱讚經云臨命終時無量壽佛乃來住其前慈悲加祐令心不亂

大師云命欲終時佛與聖衆自來迎接諸邪
業繫無能礙者故名增上緣讚經及此釋但約念佛一機
既佛力加今機正念由正念故即得往生豈
非攝機但言修諸功德等者設雖佛力無因
不救故舉諸善爲來迎因諸行是因佛迎是故生
緣因緣和合必往然而非是其願體也故莊嚴經云彼命終
時乃至來迎被人不舉諸行即其證也問此猶
不明看經文勢舉來迎果勸諸行因例如十
八舉往生果勸念佛因若尔因果俱可願體

何捨行因若捨因者彼第十八可捨念佛彼
既不捨此亦可然答例難不齊謂此願意諸
行是因往生是果佛來迎是資因剋果之增
上緣然今取緣而爲願體不取因果何以外
緣例往生果問如爲往生之念佛故念佛爲
體亦爲來迎之諸善故應以諸善爲願體也
答如彼念佛亦爲往生之來迎故即以來迎
爲願體也弥陀願意往生爲懷故問法事讚
云報體則元來不動比今何來迎答感應道

交辭如水月華嚴經云復次佛子辭如三千大千世界大梵天王以少方便大千世界一切衆生各見梵王現在已前亦不分身無種種身佛子如來亦復如是亦不分身無種種身於一切衆生隨所應化示現其身比自餘諸佛威神尚尙况吾弥陀有本誓乎又台宗有應色遍義況報色耶云次諸師解者義寂云攝取修德欲生願前者苦迫不遑念佛故唯專稱十念得生此即容預可兼餘善故具

修德方得往生此師未配品位若是猶下輩歟法位云但令發心修福願生皆得往生此是中三品蒙興中品又云有說攝上品非也智光云行者命終現前導生願謂修德願生命終佛與大眾現其人前御廟全同慧心云臨終迎接靜照云臨終現前願釋曰雖聞稱名皆得往生然命終時心多顛倒弘誓大悲不得晏然故與大眾現其前真源云聖衆來迎願欲生彼國佛與聖衆來迎此中義寂雖兼餘行稱名爲

正又興師意十八二十既云稱名而屬上下
義推此願亦可稱名若余各招重發失也法
位屬餘行未云來迎此違莊嚴玄一不明自
餘諸師其義雖殊同名來迎三解文者發菩
提心者問爲是安心將起行耶答有云先指
安心云菩提心次明起行云諸功德云今謂
不余準宗家者發等二句同是起行至等兩
句是安心也若今發心屬安心者招中下輩
不預來迎之失故也故選擇集以三輩中菩
九品

提心文判屬起行豈存異義或通心行謂此
願中有多類故亦有發心爲安心機故論註
云三輩生中雖行有優劣莫不皆發無上菩
提之心安樂集 同之問前義不明三十五願說菩
提心而爲安心今亦可然何云起行答如天
台云語言難同其心則異上至下可知問諸
功德句含念佛耶答余也諸言所表雖直方
行推其元意念佛爲長本願行故來迎勝故
故莊嚴經約念佛行而明來迎又三緣中增

上緣文即其證也至心等者何故略信至心
欲生從信生故不別說也假令等者不現非
實故云假令大衆等者是明所與即菩薩
比丘二衆故大弥陀具云菩薩阿羅漢等今
經悲華總名大衆然寶積經覺經莊嚴但云
比丘不舉菩薩文不委也或九品生來迎異
故各舉一品來迎相歟謂寶積等約中品生
大彌陀經約上上品問臨終見佛爲定爲散
若定心者何故禮讚云如入禪定聖衆現前

比既云如入知非定心何況死生必住散耶
若散心者觀念門中引九品生臨終見佛而
爲見佛三昧之證加之餘聖願中亦有臨終
發定而見佛例答如一邊難散心見也故悲
華及分陀利云彼見我已除諸障礙稱讚經
云來住其前令心不亂小經云現在其前心
不顛倒旣見見除顛倒等障豈非散心但觀
念門如彼記釋云又餘聖者是誰人耶若師
子香菩薩賴者其文不然謂臨終時散心見

佛聞法歡喜後得三昧還是散心見佛之證
其得定者見佛後故故悲華經說彼顛云我
成阿耨菩提已十方無量阿僧祇世界中所
有衆生若聞我聲發願欲生我世界者是諸
衆生臨命終時悉令見我與諸大眾前後圍
繞我於尔時入無翳三昧以三昧力故在於
其前而爲說法以聞法故尋得斷除一切苦
惱心大歡喜故得寶冥三昧以三昧力故令
心得念及無生忍命終之後必生我界

悲分隨利

第二十係念定生願初願意者所見土中或
有佛土攝結緣機今速果遂或土不然法藏
愍念結緣衆生々々流轉選擇此願攝順後
機也委悉科簡如宗要等云取要言之攝結
緣機能促長劫於三生等今速果遂往生係
念故大彌陀云若前世作惡聞我名字欲來
生我國者即便反正自悔過爲道作善便持
經戒願欲生我國不斷絕壽終乃至即生我國

同

黑谷立卷

覽經同之案此文意居于現世指前後生謂前世聞名是過去也壽終即生是未來也中間作善是現在也既宜三世知非順次問縱宜三世聞我已下可屬現世答既云欲來迎我國者者言所表聞名定是應過去生若如難者者言可在作惡下也問大經釋黑谷云上來迎等願中及次三輩文明助念往生諸行往生比所言等者等取二十既云十九二十願明諸行往生即知此願亦是諸行生因本願何

云順後攝機願耶答此難非也雖言十九二十同明諸行往生而十九既名來迎願準之二十可有別名故上文名係念定生不云諸行往生願也若如難者兩願同是諸行往生之本願耶若云余者招重發失彼釋意者雖非願體同有諸行往生意故云余而已次諸師解者義寂云攝取聞名欲生願清淨覺經云他方人民前世爲惡聞我名字反正爲道欲生我國壽終皆令不更三惡即生我國此師

不配品位

法位云若聞稱讚修得迴向願生者皆得往生此是下品

上云同云下品

慳興玄一興

又云若諸衆

生起願念佛即生化土故智光云問名係念修福即生願謂聞我名繫念我國積諸功德即生我國御廟云聞名繫念修善定生願至若於婆婆有決定業者雖念彼國如何忽往生爲釋此疑故有第二十願由此故云欲生我國不果遂者不取正覺此意顯云若於此界有決定業不可轉者雖無順次生生我國

土而令順後業定得生矣靜照云欲生果遂願釋曰雖復臨終現前而未知係念必意別既云十念往生知不必兼修愍諸衆生行願不遂菩薩自修不虛佗求以與衆生而發此願真源云繫念定生願聞名繫念願生無不果遂澄憲云此願於衆生廣濟勝前歟縱雖不稱念但聞名欲生依此願樂遂必得生乃至此願意趣雖云植衆德本志但發願爲先乃至三心十念皆願上助成也若發願者必得果

遂故最要也問發願無一行者何時得往生
答願必引行全無行者遂爭得生乃至問介余
發願尋即忘失况復隔生如水上沫何曾憶
念何時引接生死浩然往生無期不果遂言
有名無實歟答凡心微願實少力用實如所
問果遂長遠但不如不發如來悲願加護衆
生如魚母念子不捨少弱乃至有心者聞弥陀
名必可發一念弘願必遂往生彼刹普賢十
願文深與此義符合已此中義寂御廟真源

澄憲等師意少雖殊俱云順後往生願位興
一等同爲稱名順次之願自餘不明難定屬
也今之所用御廟義也問有云諸行往生願
云此順願文答妙樂云能解經文豈過龍樹
於一文作衆解佛意多故上今亦可然佛意
多故諸師異解不可是非但據宗師各解本
經諸宗通例且如法華或云方便或云真實
是皆各據宗師故也然吾大師作唯念佛本
願定判未造諸行本願之釋若二十願諸行

生因之本願者豈如此乎。異諸學者由釋解願文勿以經會釋非通例故况看願文如五通願五通雖異說相一準十八二十俱順次者行體雖殊說相可同然十八云乃至十念若不生者二十願說植諸德本不果遂者明知意別依之黑谷判云餘行非本願也云三解文者即有二門一過現門謂初明過去次至心下明現在後不果下明未來大弘施等約此門也二現未門謂初明現在次至心下明未來也

於中初是第二生等次不果下第三生等此經約二門雖殊順後是一初文中係念等者欲生心也然憬興云係念我國者即往生行也此師今願云念佛願然以念國為往生行未得其意植德本者顯宿善義故云植也委如宗要云問係念安心德本起行心行相須何不順次答如宗要云又或退者或不定等退者不定等之二機始授手印及領解步又感師輕重均等不生慧心一念十念不定如此等類雖有心行成順後機皆乘此願於三生等

果遂宿願風聞天下幼稚小兒臨終往生即
此類耳凡於宿善或有係念而植德本或復
有無係念宿善此通值遇強弱雖殊皆成值
遇此教之因此願宿善局係念善故云係念
果遂等也問所言德本爲局機熟將又爲通
順後生因答私云正在機熟如向已并傍通生因
定亦應有順後業故例如別時意之遠因願
行雖殊遠因是同今攝順後生因之機令速
果遂昔係念故意尚在機非關業體然而正
重釋

因遠在過去今生心行助宿因耳云次文中
迴向等者迴向挾善雖有願行非順次願準
向可知上來三願委悉科簡在宗要禁故不
重釋

無量壽經鈔卷第三

正安第二天子庚夷則下旬候拭老眼清書之
留贈後見共期往生 沙門了慧謹疏

卷三

三

佛教大學藏

331026

